

2.2 COINNEAMHAN - AIR FEADH AN T-SAOGHAIL

Ma smaoinicheas sibh air companaidh mhor eadar-naiseanta le oifisean ann an Duncideann, ann an New York agus ann an Steornabhagh tha e soilleir gu leor gum biodh teachdaireachd eatorra gu math deatamach. Ach smaoinichibh cho cosgail sa bhiodh e nam feumadh daoine siubhal eadar na trì aithean ud airson cach a cheile a choinneachadh air ceann-gnothaich.

2.2.2 COMHDAIL-TEILE


Le comhdail-teile faodaidh daoine ann an caochladh aithean coinneamh a chumail le gach neach aig ceann a fon aige fhein. Chan fhaich iad a cheile, ach le bord-geal electronach faodaidh a h-uile neach aca diagram no teacs fhaicinn agus an deanamh re na coinneamh.

Tha am bord-geal air a chleachdadh mar a chleachdas sinn bord-dubh anns an sgoil ach ge be de a sgrìobhar air a bhord-gheal tha sin air a chraobh-sgaoileadh air an teilefon gu gach ball den choinneamh aig a bheil bord-geal, agus faodaidh iadsan ma thogras iad atharrachadh no cur ris mar a chi iad iomchaidh.

Chithear bord-geal ag oibreachadh aig Feill Thaisbeanaidh 2020 Vision.

2.2.3 COMHDAIL VIDEO

Tha roghainn eile aig feadhainn a tha 'g iarraidh coinneamh a chumail le comhdail video. Se sin le a bhi a'cleachdadh TV a tha a' toirt cothrom do bhuill na coinneamh cach a cheile fhaicinn sa chluinntinn. Tha na h-innealan seo furasda gu leor an gluasad o aite gu aite agus mar sin faodar an cleachdadh ann an oifisean.



3. COIMHEAD ROMHAINN

Tha leasaichean ann an teile-fhiosan agus ann am fiosrachadh teicneolach a' tachairt aig luaths cho cabhagach snach urrainn fìus na daoine is teoma that beo fios cinn-teach a thoirt dhuinn de na goireasan a bhios far comhair aig toiseach an ath linn gun luaidh a thoirt air 2020.


Co-dhiubh, seo boillsgeadh a steach don am a tha ri teachd, air cuid de na goireasan agus innealan a thathas a' rannsachadh an ceartuair.

3.1 AN TEILEFON A 'CHI'

De mar a chordadh e riut nam faicadh tu an neach a bhiodh air ceann eile an teilefon cho math ra chluinntinn? Sdocha gum faod thu a dh'aithghearr a dhol a mach agus video-fon a cheannach. Le seo bithidh tu comasach air frith-ghluasadan do chairdean fhaicinn cho math ri bhi a'cluinntinn de tha iad ag radh.

Sann air sgath gu bheil craol-lion digital a'dol a thighinn gu ire a tha rannsachadh an drasda air feadh an t-saoghal mu video-fon.

Airson fon air am "faicear" a bhi air a chleachdadh air na loighnichean teilefon a th'againn an drasda dh'fheumadh lughdachadh mor a dheanamh air na tha de fhiosrachadh feumail airson dhealbhaichean a dheanamh. Tha luchd-saidheans air seo a thoirt gu buil le iomhaighean cinn a'glusad a thoirt gu ire leis a'choimpiutar. Tha an coimpiutar a'comharrachadh a mach suilean agus beul an neach a tha air a fon gan deanamh co-thimeach ris na tha e ag radh.



3.2 TEILEFON A DH'EADAR-THEANGAICHEAS

Thathas a deanamh rannsachaidh cuideachd air teilefon a dh'eadar-theangaicheas! Bhiodh seo gu h-araidh luachmhor do dh'obraichean a tha a'malairt ri companaidhean anns an Roinn Eorpa agus air feadh an t-saoghail. Le seo dh'fhaodadh neach ann an Steornabhagh agus neach eile ann an Lunnainn a cheile thuigsinn air an teilefon ged nach biodh iad a'bruidhinn an aon chanain - bhiodh na briathran aca air an eadar-theangachadh leis a'choimpiutar anns a bhad.

3.3 CEANN-UIDHE TEILE-FHIOSAN PEARSANTA

Tha sinn air fas eolach o chionn bhliadhnaichean air ais air daoine a bhi comassach air sanasan fhaighinn gu cheile eadhon ged a bhiodh iad a'glusad o aite gu aite.

Tha rannsachadh ann an co-cheangal eadar luchd-gluasaid air moran adhartais a dheanamh o chionn ghoirid agus an diugh tha "radiopaging" againn, teilefon "cordless", agus "cellular" reidio.

A coimhead air adhart tha an luchd rannsachaidh a'feuchainn na trì innealan sin atharrachadh gu aon inneal ris an canar "Personal Communications Terminal" no Ceann-uidhe Teile-fhios Pearsanta (PCT).

Gabhaidh an inneal seo a chuir ann am pocaid duine agus faodaidh data a bhi air agus cuideachd conaltraidhean. An aite bhi a putadh phutan sann a bhiodh an teachdaireachd air a'bruidhinn a steach don cheann uidhe. Airson teachdaireachd fhaotainn bho PCT dh'fhaodadh tu a leughadh no dh'fhaodadh tu eisdeachd ri guth a choimpiutar.

Is mathaid le adhartasan electronach gum bi seorsa de PCT againn roimh dheireadh na linn.